



**ATASSUT**

**UPA15/108-1**

**Siverth K. Heilmann**

**17.03.2015.**

**Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata nr. 7, 7. december 2009-imeersup allannguuteqartinneqarnissaa pillugu Inatsisartut inatsisaat nr. xx, yy 2015-imeersoq (aatsitassanut ikummatissanullu inatsit)**

(Teknikkikkut allannguuteqartitsineq aamma maleruagassani Inatsisartut inatsisaat naapertorlugu aalajangersarneqartuni arsaarinnittarnermut inatsisitigut tunngavissaq)

(Aningaasaqarnermut Aatsitassanullu Naalakkersuisoq)

Aatsitassanut ikummatissanullu inatsisip allanngortinneqarnissaanik Naalakkersuisut matumani siunnersuutaannut ATASSUT-mit naatsunnguamik oqaaseqassaagut.

Inatsimmi allannguutissatut siunnersuut siulleq, tassa DMU-miit DCE-mut taaguummik iluarsineq teknikkikkut aaqqiiniarneruvoq, taannalu immikkut oqaaseqarfiginagu akuersaarparput.

Allannguutissatulli siunnersuutigineqartup aappaa ATASSUT-mit assut soqutigalugu nalilersorparput, tassami ujaqqat pinnersaasiassat akisunersaasa ilaat, tassalu diamantit silineqanngitsut, inatsisit atuuttut unioqqutillugit katersaat imaluunniit aamma nunanit allanit aporaaffiusunit anngiortumik nunatsinnut eqquteriarneqarsinnaasut arsaarinnissutigineqartalernissaannut tunngassuteqarpoq.

ATASSUT-mit assut pingaartipparput ujaqqat pinnersaasiassat pillugit erseqqissumik avaqutaarneqarsinnaanngitsumillu inatsiseqassasugut, matumanilu tamanna isumannaarniarneqarmat iluarisimaarparput.

Taamatut naatsunnguamik oqaaseqaateqarluta ATASSUT-mit inassutigissavarput siunnersuut aappassaaneernejartinnagu Inatsisartut Aatsitassanut Ataatsimiititaliaanut misissugassanngorlugu



## ATASSUT INATSIARTUNI

---

ingerlateqqinneqassasoq, takusinnaasagut naapertorlugit inatsisip allanngortinneqarnissaanut piareersaalluni tusarniaanermi paatsuungassuteqartut arlaqarsimammata.